

弇山堂別集

(六)

弁山堂別集卷八十六

吳郡王世貞元美編

詔令考二與魏國公書

聖諭謄黃

皇帝聖旨

吳王令旨見爲征討廬州城池事除令安慶翼元帥
朱文輝總率畢家等寨軍馬收取舒城及調監軍
周或節制同知程德權與同曹平章監點軍馬取
由便道駐劄伺候總兵官到日攻取城池外令委
中書省左相國徐達充總兵官統率平章常遇春

胡廷瑞金吾侍衛親軍正都護馮國勝雄武衛親軍指揮使傅友德等大勢軍馬直抵廬州務在搶獲渠魁克取城池依奉施行者

龍鳳十年三月 日

皇帝聖旨

吳王令旨見爲應援安陽攻取廬州城池事今委自中書省右丞廖永忠統領各衛軍馬前去總兵官中書左相國徐達處叅隨征進聽受節制依奉施行者

龍鳳十年五月 日

吳王令旨命中書省左相國徐達充總兵官統率各
衛軍馬直抵荆襄湖南等處點視城池撫安軍民
依奉施行者

龍鳳十年八月

日

吳王令旨命中書左相國徐達充總兵官統率各衛
大勢舟師馬步官軍前去克取淮東泰州等處城
池撫安黎庶大小官軍悉聽節制依奉施行者

龍鳳十一年五月

日

吳王令旨命中書左相國徐達充總兵官統領各衛
大勢軍馬進取張冠城池各衛將士悉聽節制依

奉施行者

龍鳳十一年十月 日

吳王親筆差內使朱明前往軍中說與大將軍左相
國徐達副將軍平章常遇春知會十一月初四日
捷音至京城知軍中獲寇軍及首目人等陸萬餘
衆然而俘獲甚衆難爲囚禁今差人前去教你每
軍中將張軍精銳勇猛的留一二萬若係不堪任
用之徒就輦暗地去除了當不必解來但是大頭
目一名名解來

龍鳳十二年十一月初五日

親筆前去教總兵知會前日廬州俞平章報說安
軍情緊急教早發軍去應援二月十九日再差人
前來家中說那廝也則是這般樣子我每缸守沙
河口修東正陽他連日把馬哨一逢東正陽回去
下在劉備城下多日無糧依舊退回安豐不知已
後事勢今再差人報與你總兵官知會你每那里
若是擇的馬軍時便差馬軍來擇不得時也罷
龍鳳十二年二月二十日親筆

吳王令旨教總兵官徐相國你委付馮同知牢固封
閉高郵城門無令賊人得出委付常平章固守海

安等處量撥官兵固守泰州城池你將本部精兵
及水寨慣戰官軍并常平章摘撥軍馬親率渡江
徑抵宜興勦捕賊徒依奉施行者

龍鳳十二年十一月

日

旨說與總兵官知會二月二十一日叅軍都事到
家說稱海安埧上除孫指揮守城其餘軍馬都來
泰州抹子上教常平章上水寨這幾說都好江淮
省也無甚麼事前日報那邊軍馬事勢輕重不一

俞平軍取軍緊急大盖本官自来不曾獨力主事
所料未到是有取軍切切近日報来安豐止則添
得竹二一支人馬欠五千人這幾日安豐無根本
軍將欲都退不爲大害你每且休上舡来我這里
又聽說張九四軍好幾支過江了你每且將軍那
在泰州等他来攻海安殺他一場再做商量

龍鳳十二年二月 日

親筆謹封

前差小先鋒軍中說話取劉平章薛叅政領軍馬
五百来家去安豐廝殺這等賊是俞平章取的緊

爲這殺便來取來如今俞平章見那里慢却又
差人來男子之妻多在高郵被擄總兵爲甚不
肯給親完聚發來這箇比殺人那箇當城破之
日將頭目軍人一槩殺了倒無可論擄了妻子發
將精漢來我這裏陪了衣糧又費關防養不住殺
了男兒擄了妻小敵人知道豈不抗拒星夜教馮
副使去軍前但有指揮千戶百戶及總兵官的伴
當擄了婦女的割將首級來總兵官的罪過回來
時與他說話依奉施行者

龍鳳十二年三月

日

吳王令旨說與總兵官徐達攻破高郵之時城中殺死小軍數多頭目不會殺一名今軍到淮安若係便降係是泗州頭目青旛黃於招誘之力不是你
的功勞如是三月已裏淮安未下你不殺人的緣故自說將來者依奉施行者

龍鳳十二年三月 日

吳王令旨教總兵官徐相國將領官軍三萬名乘船并軍馬二千名前去克取安豐城池其餘官軍留於淮安鎮遏仰依奉施行者

龍鳳十二年四月 日

今再差尅期賁批前去教左相國與同委官朱文正
會議須要留下精細能幹邊上頭目鎮遏淮安編
排隊伍務要防姦此城係新降軍馬理宜乘大軍
兵威在彼事斷其初若不如是正軍起去多留鎮
淮安少恐編排隊伍有不得頭目做的怨怒一生
不可不防就編伍之時有明白徧強不伏及深藏
機密暗地抱怨似這等人休與軍管休留在淮安
就稱兵威在彼徐徐起發前來務要力行其安豐
攻取竹寇不可遲緩急宜速去到彼必擒此徒如
經過濠州虛實動靜降與不降畧看便過仍留韓

平章攻取

龍鳳十二年四月

日

親筆直至安豐總兵官軍前知道即日徐州叅政陸聚差人賁到公文說稱王保保遣水陸賊黨欲犯地方告兵策應爲此教尅期來說與你知道軍前將安豐賊寇已行困住量必有可獲其大軍內摘撥方便船隻能幹軍士頭目前去徐州殺獲賊徒救護城池就觀王保保軍勢若何批至速差軍舡前去毋得遲慢

龍鳳十二年四月

日

三次據江陰報賊依然在范蔡港扎不敢上流此計專在掣兵餘無攻城大戰之計軍中止教廖右丞回水寨大軍不必動江陰頭目每也這般說將來鎮江那軍也教回來他在江上如此怠慢一月之後我必尅泰州泰州克江北解然此你每軍中好生用心關防今就教江陰來使往軍前見總兵官你再省會他來使教回江陰

親筆

吳王令旨命右相國徐達做總兵大將軍平章常遇春做副將軍統領大勢馬步舟師征取浙西蘇州等處城池招撫軍民仰大小官將悉聽節制依奉

施行者

龍鳳十二年八月

日

教總兵官徐達常平章知會姜偃黃橋但係民軍往來路延處所彼處之民不許屯集於這幾處果係復業人戶許令散居元宅一旦有謀時寇如何便聚集起此我之利也店市之民不可屯於要道理合移於水蕩中間沙洲處所拘其船隻使民智勇不能施亦我之利也平定通州別行處治若使遷發爲軍恐通州下面左右之民聞此一聲速去之心甚重彼各持刃與我相拒未可也軍中再思

十一月初三日內使來報捷音已見來降頭目姓名
一名名分曉今差內使李順賁批前去軍前教總
兵官左相國徐達平章常遇春知會黃舡到日可
差精細官人及伴當人等管伴押解頭目王呂朱
梁及一應大頭目星夜赴宜興上岸鎖項前來其
餘小軍節次如法押送赴京我自作區處其賊人
首目毋得久留軍中恐防有詐

龍鳳十二年十一月 日

吳王令旨教總兵官徐相國你委付馮同知牢固封
閉高郵城門毋令賊人得出委付常平章固守海

安等處量撥官兵固守泰州城池你將本部精兵
及水寨慣戰官軍并常平童摘撥軍馬親率渡江
徑抵宜興勦捕賊徒依奉施行者

龍鳳十二年十一月

日

劉都事來說土軍王僊被豁鼻馬殺了他王信王仁
見圍了豁鼻馬你每可問道差人去與王家通
親筆差人前去泰州軍前教同知於今月遲一會

吳元年正月

日

親筆前去軍中教總兵官左相國知近體知淮安頭
目陳驢子并元帥三十名又有蘇州城內走出來

降的馬軍院判元帥萬戶五名及李司徒下貴赤
一十名此等之人見日久蘇州不下密地打話甚
有奸意就你根前小人兒知道不敢對你說今發
親批至日火速差人牢固伴解前來庶免憂慮批
至毋分星夜

吳元年正月

日

親筆教總兵官大將軍副將軍知正月二十六日剋
期翟狗兒到京方知平章十九日自杭州回至軍
中更見杭州事體皆定有人從杭州來說平章省
會來降人衆甚是磊落不詐正合我之本情今爾